

Die Wapad

SAWA Oos Kaap

Gedagte vir die dag

Enigeen wat n kind van God is, kan die sondige wêreld oorwin. En die oorwinning wat ons oor die wêreld behaal het, is deur ons geloof

(1 Johannes 5:4)



'n Klein dogtertjie sit rusteloos en rondskuif in die kerk toe die diens darem te lank aanhou na haar sin. Uiteindelik fluister sy vir haar ma: "As ons nou vir hom die geldjie gee - sal hy ons dan laat gaan?"

Zeldri Strydom



Bestuur vir 2013

Voor v.l.n.r. Sandra Fourie (Sekretaresse), Johan Steynberg (Ondervoorsitter), Jakkie Barnardo (Voorsitter), Jan Hugo (Redakteur), Benji Erasmus (Addisionele lid). Agter v.l.n.r. Johan van Vuuren (Peningmeester), Richard Heyman (Addisionele lid) Zelda Swanepoel (Sondagskool), Dina Claasen (Addisionele lid), Liana Labuschagne (Addisionele lid) Andy Wait (Senior Burger verteenwoordiger)

Eerste kamp

Die Hugo's se eerste Kamp was te Graaff Reinett, dit was Paasnaweek 2004. Ons was so dom dat ons nie eers geweet hoe om die tent op te slaan nie Oom Piet en Tannie Meisie moes kom help. Andre en Rika Muller het ons aan SAWA bekend gestel en steeds kamp ons lekker saam. Kom ons maak bietjie van die hierdie hoekie gebruik om n kort opsomming en n moontlike foto van julle eerste kamp te wys. Sal graag wil sien hoe ons Ere lid en sy gade gelyk het.



Wie onthou nog die episode met Ghea op Graaff Reinett?



Wonder met watter girl chat die manne?

Voorsitters verslag

So het ons AJV gekom en gegaan. Ons weet dit was kort kennisgewing van die verandering, maar niemand het voor die tyd geweet van die sandstorm wat Van Stadens sou tref nie. Dankie dus aan diegene wat hulle weg oopgesien het om na Winston se plek toe te gaan.

Baie geluk aan almal wat toekennings ontvang het asook diegene wat die groot trofee gekry het. Ons weet dat niemand vir toekennings kamp nie, maar is tog trots om die erkenning te kry.

Ons wil graag ook ons buurstreke geluk wens met hulle AJV's. Dit is die eerste keer in baie jare dat ek nie een van hulle AJV's bygewoon het nie, maar 'n mens kan nie altyd jou brood aan albei kante gebotter kry nie. Baie geluk aan die bestuurslede wat die streke gaan lei die komende jaar. Geluk ook aan almal wat toekennings ontvang het.

By ons AJV het ons Karen en Tania gegroet. Hulle gaan nou eers bietjie rus nadat hulle baie hard gewerk het oor 'n klompie jare. Aan hulle twee asook Eddie en Johan, baie dankie. Ons waardeer al julle harde werk op die bestuur en weet dat ons nog steeds in die toekoms kan staat maak op julle. Ons glo julle opvolgers sal stewig in julle voetspore stap.

Ons verwelkom dan vir Benji en Liana. Ons wens julle saam met julle gades alles van die beste toe. Mag dit vir julle 'n wonderlike geleentheid wees om op die bestuur te dien van Oos-Kaap.

Baie dankie aan die span wat dan aangaan: Johan Steynberg, Sandra Fourie, Zelda Swanepoel, Richard Heyman, Dina Claasen en Johan van Vuuren. Mag dit vir julle 'n goeie jaar wees en dankie vir alles.

Ons seniors het nou hulle eie verteenwoordiger naamlik Andy Wait. Ons weet julle is 'n unieke groepie en geniet die vooraf saamkuier. Ons glo dat julle goeie gesondheid sal ontvang om nog lank deel van ons te kan wees. Die jonges moet maar rondkyk as die seniors afpak. Baie van hulle kan ons 'n ding of twee leer!!!

Soos julle dan hier lees, is dit die handewerk van ons nuwe redakteur. Ons is dankbaar dat Jan en Tanya Hugo die groot taak op hulle geneem het. Ons wens julle alles van die beste toe. Mag dit vir julle 'n wonderlike geleentheid wees om SAWA so te dien.

So sal die span dan die woonwa deur die oorde dra... Dit is egter ook so dat 'n bestuur niks beteken as daar nie lede is nie. Daarom is ons dankbaar vir elke lid wat deelneem en aktief betrokke is. Mag julle elkeen ryklik geseën word. Ons verlang na 'n klompie lede wat so bietjie lanklaas gekamp het, dalk sien ons julle binnekort né?

Ons wil graag ons matrieks alles van die beste toe wens. Nou is dit net boeketyd en ons weet dat julle hard voorberei vir die groot eksamens wat voorlê. Mag julle elkeen die krag ontvang om julle deel te kan doen – met 'n glimlag as julle kan.

Ons is jammer dat ons soms 'n oord moet verskuif, maar dit is gewoonlik die oord wat ons kontak. Hou maar Facebook dop as julle meer nuus wil weet. Ons sal al die lede betyds in kennis stel as daar veranderinge gaan plaasvind.

Ons sal later berig oor die kongres, maar ons glo dat alles goed sal afloop.

Ons wil graag diegene wat so bevoorreg is om op die toer te gaan, alles van die beste toe-wens. Mag daar vir julle blomme by die duisende wees en mag elkeen veilig reis en dit baie geniet. Dankie aan ons toerleiers.

Ons mini-gebied is ook om die draai. Kom ons pak die oord toe in groot getalle.

Mag elkeen dan nou 'n pragtige lenteseisoen geniet. Mag daar nuwe groei en nuwe geure in julle lewe plaasvind soos dit in die natuur verander het van winter na lente.

JAKKIE



Redakteurs brief

Watter teleurstelling! Dit is langnaweek en almal beplan wat gaan alles op Van Stadens gedoen word, en met een ou pypie wat bars lê alle beplanning op die ashoop, maar gou is daar planne beraam en het ons by Addo karavaan park geholpe geraak.

Die weer profete voorspel ook dat die weer nie regtig kamp weer is nie. Ons is hier weg in gietende reën, en 'n sekere mevrou praat nie eers met die persoon agter die stuurwiel van die voertuig waarin sy 'n passasier is nie. Sy glo haar baksteen huisie en warm bed sou 'n beter plek gewees het.

Die AJV het plaas gevind en het heel goed verloop. Geen groot probleme hoef gedebateer te word nie. Die nuwe bestuur is voorgestel en almal kon toe heerlik verder kamp. Saterdag is lekker gebraai en gedans en die naweek was 'n groot sukses.

Johan en Sandra Fourie het weer die kinders lekker vermaak by Pearson Park met hul boot. Almal geniet dit altyd baie, dankie aan julle twee.

Die Bestuurs kamp te Pine lodge het plaasgevind en daar is die Saterdag middag gou vergader en ons kon lekker saam kuier die aand, weer 'n groot sukses. Sekere mense het nou wel moes hulp ontbied toe hul geleende bakkie op n sandduin gaan vassit het.

Oor die Kongres te Hartenbos sal in die volgende Wapad meer inligting wees, maar ek glo dat dit ook 'n groot sukses sal wees. Dankie aan julle wat Oos Kaap gaan verteenwoordig..

Die rekord eksamens is ook nou agter die rug en vir die matrieks lê die laastre bult nou voor. Sit alles in en maak so 'n sukses van jou toekoms. Vir die res die volgende kwartaal is ook maar baie kort so sterkte vir julle voorbereiding ook.


Teen hierdie tyd weet almal dat Tania besluit het om 'n bietjie te gaan rus. Ek het dit goedgevind om die takie by haar oor te neem. Maklik gaan dit beslis nie wees nie. Met so n taak is dit dan beslis nie moontlik vir een persoon om al die nuus self uit te dink nie, daarom vra ek dat julle tog groot asseblief vir my enige nuus, geskinder en foto's sal stuur om van hierdie nuusbrief die grootste in SAWA te maak.

Vir die van julle wat op die toer gaan geniet dit. Dit is 'n baie mooi deel van ons land; ek was so bevooreg om n groot gedeelte van my lewe daar te bly; en is baie jaloers om nie saam te kan gaan nie. Dit kan net groot pret wees.

Ek sien uit daarna om elke maand so met julle te kommunikeer.

Groete

Jan



Uit die Woord

Vriendskap

Reukolie en wierook is iets om te geniet, maar die genot van vriendskap lê in die raad wat jy kry. Spreuke 27: 9

Ons het almal sekere foto's wat altyd spesiaal sal bly. Daardie oomblik wat vasgevang is waar jy sêlf in die foto is. Daardie oomblik in die klein wat n uitdrukking is van die groter prentjie.

Een so n foto is waar ek saam met my goeie vriend Kapt. Tom Rautenbach voor in die sturkajuit van n Boeing 737-800 sit. Hy as die opleidingskaptein sit aan die regterkant en ek mag in die kapteinssitplek sit. Weet ek iets van vlieg af, nee glad nie. Intendeel.

Die foto vang egter iets vas van ons vriendskap. As vriend laat hy my toe om sy persoonlike ruimte binne te kom. Om deel daarvan te word ten einde hom en sy omstandighede beter te verstaan. Hy deel met my sy liefde en passie vir sy werk. Hy laat toe dat ek hom verstaan binne sy groter konteks.

En dit is waar die waarde van vriendskap in lê. Om toe te laat dat ons mekaar as vriende beter verstaan. Om jousef oop te stel sodat die groter prentjie duideliker kan word. En dit is dan wanneer vriendskap genotvol raak. Dit is dan wanneer jy as vriend in opregtheid mekaar kan ondersteun en kan uitreik in tye van swaar en krisis. Mekaar kan troos wanneer dinge skeefloop en kan help om emosies te temper. Saam met mekaar die vreugdevolle tye van sukses te kan deel sonder om afgunstig te wees. Om gewoon net saam bly te wees vir die ander persoon.

Talle mense gaan deur die lewe sonder vriende. Daar is baie redes hoekom dit gebeur. Dit opsigself is n groot jammerte. Vriende, en nie kennisse nie, is tog so noodsaaklik aangesien ons nie op ons eie deur die lewe kan gaan nie. Ons het ondersteuning nodig. En dit is hier waar vriende n rol speel.

Goeie vriendskappe vra dat ons dit sal koester en daaraan sal werk, soos in enige verhouding. Dit is n uitdaging. Om die uitdaging te aanvaar is die moeite werd, dit weet ons uit ondervinding. Die vrugte op die harde werk is veelvuldig.

Hoe lyk jou verhouding met jou vriende?

Gebed:

Here, dankie vir vriende en dankie dat ons in mekaar vreugde mag vind.

Amen.

Sandra Meyer

Baie dankie

Aan die SAWANANTE van Oos-Kaap

Die afsterwe van `n persoon, onder watter omstandighede ookal, bly `n traumatise ervaring. Veral as dit `n mens se kind is, is ditsoveel meertraumaties.

Ons is hartseer, maar dankbaardat haar lyding uiteindelik tot `n einde gekom het. Dit was `n baie moeilike drie maande vir haar, vir ons en die kinders.

Gelukkig was daar talle vriende, selfs uit die verre verlede, wat deur middel van enige vorm van kommunikasie ondersteuning gebied het. Die telefone het nie opgehou lui nie, sms`e het ingestroom, facebook het gegons en besoekers het by die huise, in Kaapstad, Port Elizabeth en Jeffreysbaai opgedaag. Hierdie optrede het ons staande gehou, trouens, ons word steeds staande gehou deur familie en vriende.

Dit was veral ons familie en SAWA-vriende van oral in die land wat ons gedra het. Dit is eers wanneer `n mens in so `n krisis beland en jou vriende, wat dieselfde waardes deel en jou ondersteun, dit duidelik word wat die betekenis daarvan is om aan `n organisasie soos SAWA te behoort.

Die groot aantal lede wat die roudiens bygewoon het, was baie sterk ondersteuning. Baie dankie vir die borde eetgoed wat julle na die roudiens aan die roubeklaers voorgesit het. Mag ons die krag en genade ontvang om nog lank saam te kan kampeer.

Ons is besig om die situasie rondom Heinie, Daniël en Johandrè uit te klaar. Hulle het gelukkig vining en goed in die skole aangepas en doen goed in hulle toetse en take.

Baie dankie aan almal wat gereageer het. Dit het later net te veel geword om tred te hou aan wie almal `n bedanking teruggestuur is. Glo dit: ons waardeer elke woord en handdruk van bemoediging wat ons ontvang het.

Daan en Cecile Schoeman



BAIE DANKIE

Liewe SAWA vriende

Ons wil net baie, baie dankie sê aan almal wat gehelp het die Saterdag oggend by Sondagsrivier toe Zylese so skielik siek geraak het.

Aan Johan Steynberg wat sy “stappie” en Sandra Fourie wat haar “boot trippie” moes kortknip, baie dankie. Spesiale dank aan Adriaan en Brenda wat dadelik aangebied het om “Ambulans” te speel en met haar Cuyler kliniek toe gejaag het.

Ons wil ook net baie dankie sê vir al die belangstelling oor Ouma. Dit gaan baie goed met haar en sy sterk mooi aan.

Dit maak ons so dankbaar om te weet dat SAWA vriende regtig omgee vir mekaar.

Ronnie en Rika



LIEF EN LEED

LIEF

Christo, seun van Jakkie en Johan Barnardo het verloof geraak aan Andrea Conradie. Baie geluk.

Richard en Poppie Heyman se kleinkind is gedoop. Geluk aan ouers en grootouers.

Bianca (Hugo) Blignaut het 'n pos by Summerwood gekry. Baie geluk(nou gaan ons lekker daar kamp).

LEED

Pieter en Bettie Venter sukkel met hulle gesondheid. Ons glo dit sal spoedig beter gaan.

Barend Swanepoel moet ook die hospitaal getrou besoek. Mag dit alles die moeite werd wees.

Ronnie Boshoff se pleegkind was in die hospitaal. Ons is dankbaar dat dit beter gaan (sien dankie sê brief elders).

Alna Steenkamp sukkel ook met haar been ons glo dit sal gou beter gaan.

Zeldri Strydom se Ma het ook nie goeie nuus oor haar gesondheid ontvang nie, maar ons glo dit sal deur die Here se genade gou beter gaan.



Squirmy Jelly Worms

Pack Straws into a cup and secure with a rubber band

Pour in Jelly carefully

Once Jelly is set rinse with some warm water to release the "Worms" from their straws!



BILTONGSLAAI: (Yvette Erasmus)

Slaaisous:

60 ml balsem-asyn	125 ml olyfolie
1 knoffelhuisie, gekneus	5 ml suiker of na smaak
5 ml Dijon-mosterd	1 stingel sprietui, fyngekap
sout en varsgemaalde swartpeper	

Slaai:

250 g klam, baie dun gekerfde biltong	375ml gerasperde cheddarkaas
'n verskeidenheid blaarslaai om die slaai op te rangskik	3 agurkies, gekap
2 ryp avokado's, in blokkies, besprinkel met suurlemoensap	2 hardgekookte eiers, in skyfies gesny

Plaas al die bestanddele vir die slaaisous in 'n skroefdekselbottel en skud goed. Hou in die yskas tot benodig. Plaas die biltong en kaas in 'n bak en voeg genoeg van die slaaisous by om dit goed klam te maak. Bedek en marineer ten minste 'n uur (of selfs tot 'n dag lank) in die yskas. Rangskik die blaarslaai op 'n mooi groot plat slaabord en pak die slaaibestanddele bo-op. Besprinkel liggies met van die slaaisous. Skep die gemarineerde biltongmengsel bo-op en sit die oorblywende slaaisous apart in 'n klein bekertjie voor. Sit dadelik voor.

Pork BBQ Sauce: (Yvette Erasmus)

2 1/2 cups Water
1/4 cup Vinegar
1 tablespoon Sugar
3 teaspoons Pepper
2 tablespoons Butter
3 teaspoons Salt
1/4 cup Chopped onion
1 Clove garlic, minced
1 teaspoon Red pepper
2 teaspoons Chili powder
1 teaspoon hot pepper sauce
1 teaspoon Dry mustard powder
3 tablespoons Worcestershire sauce

Combine all ingredients in a saucepan. Bring to a boil, stirring constantly. Reduce heat and simmer for 5 minutes. Cool overnight, warm before using. Start basting meat with this at the beginning of the cooking process. Baste and turn until pork registers 170 degrees on a meat thermometer (takes about 20 minutes for country ribs.)



Kyk net so 'n ou Bok



So gesels die nuwe skoonma's



Arno wys sy boswa



Die Voorsitter aan die woord



Wat is in daai pot?



Botma se bus



Wonder of hierdie Spy's nie later die "affirmative" shopping kom doen het nie

Foto's deur Evette en Benji Erasmus

PEARSONPARK SEPTEMBER 2012

Hierdie jaar het ons maar besluit om die geheime saamtrek so 'n bietjie uit te los en het vinnig op Pearson Park besluit. Die oord is opgeknep en ons was aangenaam verras. Baie dankie aan die bestuurderspaar wat al die moeite vir ons groepie gedoen het.

Vrydag daag die woonwaens die een na die ander op. Op die einde is ons darem 26 gesinne bymekaar en die groep het hulle gate uit geniet. Die weer was maar koud, maar die gees was warm en so ook die water in die badkamers!!

Die aand hou die uwe die Boekevat en sluit die winter af met Joël 2 en deel die lente se nuwe moed met die Sawanante. Koud, maar die vure brand hoog en almal kuier

lekker. Daar word selfs 'n ou grootte uit die see gehaal.


Saterdag is dit maar koud en die wind roer so bietjie vinniger as gewoonlik. Tog geniet almal die heerlike dag van kuier en gesels en bootry. Party is baie opgewonde en klim vinnig af terwyl die boot nog ry!! Blabsie moet kennis neem.

Saterdagagaand saai Judy Botha vir ons die saad in ons harte en deel lekkertjies uit. Wat 'n voorreg om elke keer kos vir mens se siel te kry by die Boekevat. Die vure brand sommer hoog en almal kuier heerlik saam.

Sondag is dit 'n pragtige dag. Die erediens in die kerk word bygewoon en ds. Griebenouw maak ons gereed vir die fees wat nooit gaan ophou nie. 'n Treffer boodskap! Die gemeentedelede nooi ons vir 'n koppie tee en eetgoed en die heerlikste poeding en hoenderpastei kan gekoop word.

So kom die naweek tot 'n einde en ons pak maar op en vertrek huis toe. Baie dankie aan almal wat daar was en die naweek saam met ons geniet het.

JAKKIE



BESTUURSKAMP : SEPTEMBER 2012 : PINE LODGE

Dit is nou al tradisie dat die bestuur so een keer ook 'n jaar gaan kamp om so bietjie saam te kuier en mekaar beter te leer ken. Vrydag word ons dus hartlik welkom geheet by Pine Lodge en Alida sorg dat ons wel tuis voel met 'n geskenkie per gesin. Die kinders kry ook elkeen hulle pakkie. Die aand hou Johan Steynberg vir ons die boekevat. Daarna kuier almal maar so rustig om die vuurtjies.

Saterdag is daar geen haas nie en almal raak stadig wakker. Sommiges gaan dorp toe en ander gaan kyk die arme springbokke verloor. Sommiges is so hartseer dat hulle sommer hulself in die sand wil gaan begrawe. Eddie het mos gery waar daar net sand is en toe moet Johan Fourie hulle kom uittrek!

Die middag vergader die bestuur en 'n heerlike atmosfeer heers. Die aand brand die vure hoog. Jakkie hou die Boekevat en daarna word die heerlike slaai en poedings uitgepak. Almal

SPESIALE GEBED VIR ALMAL WAT OP ONS GEBEDSLYS IS EN OOK ALMAL WAT DIT MOONTLIK VANDAG NODIG HET VAN WIE ONS DALK NIE NOU WEET NIE.....

.As ek kniel voor die Heer, En vir die Here sê: "Ek het so seer! O Heer U weet, ek kan net nie meer." Dan hoor ek hoe sê die liewe Heer: "Kom sit hier by my, bring jou seer, Kom sit jou las en pyn by my voete neer." As ek vandag by die Here kla, Sal ek sê: "Ek is so jammer om te pla! Maar die las word te swaar om te dra." Dan sê die liewe Heer: "Jy mag maar kla. Jy mag maar aanhou om vir my te vra! Ek sal jou wel die krag gee om jou kruis te dra." En as ek vanaand my hart leeg huil, Vir die Here vra dat my boot op kalm water seil. Vir die Here vra vir 'n hoekie om te kan skuil. Sal die Here sê: "Jy sal weer op kalm water seil. Jy mag maar jou leed op My skouer uithuil. By My is daar rus, 'n plek om te kan skuil." "Here, my hart is in 'n knoop gebind! Ek is moeg baklei teen hierdie sterk wind! Ek wil tog net weer rus en vrede vind." Die Here sê: "Jy is mos My liefingkind. Jy is met My anker van liefde gebind! Raak stil. Raak rustig! Jy sal weer vrede vind!"

Dankie my liefste Heer!!!

Amen



Inkleur kompetisie

Alle kinders: Bring julle inkleur kryte saam na Oktober maand se kamp by Van Stadens

Ons gaan n inkleur kompetisie hou en julle kan lekker pryse wen.

Meegan Momberg het n pragtige hond geteken en ons moet hom kleur gee.

So julle kan sien, dis n regte SAWA Oos Kaap hond, spesiaal vir ons by Oos Kaap.

Iets vir die lagspiere



Dit lyk amper soos party Sawanante wat probeer DSTV sein kry "HOE LYK DIT NOU, SKATTIE"?



Die seuntjie sit in die kerk en sien hoe die diakens in die gang afkom en kollekte opneem.

Hy leun oor na sy ma toe en sê " Moenie vir my betaal nie, ek is nog onder ses!

Verkoop hoekie

Staal potjie stofie te koop (nuut en ongebruik)

R300

Kontak Wouter Steenkamp

Tel no 041 365 3014

Sel no 072 193 0744

Enigeen wat belangstel om die SAWA wapen en snor te vervang met n plakker in plaas van die oorspronklike plastiek weergawe kan Benji Erasmus kontak. Hy het 15 plakkers laat maak en vir ons geskenk om te verkoop teen R45 elk.
Sel no 083 309 9951

2004 Gypsy Raven met vol tent en twee rally tente wat aanmekaar rits. Ingeboude kopstuk by bed, mikrogolfoond, groter yskas en spaarwiel te koop in baie goeie toestand

R70 000

Kontak Alwyn du Plessis

Tel no 041 368 3448.

Sel no 082 9403448

E-Pos alwynduplessis@gmail.com

Oktober Verjaarsdae



1	*KINGHORN	Jeandré
3	HEUNIS	Loutjie
3	VENTER	Bettie
6	HEYMAN	Richard
8	SLABBERT	Johan
8	TERBLANCHE	Corné
11	*BENEKE	Ernest
13	*MEYER	Kevin
13	VERMAAK	Johan
15	BARNARDO	Johan
17	ERASMUS	Flossie
18	JONCK	Elna
19	POTGIETER	Charl
20	*RENS	Janke
20	*STEYNBERG	De Wet
20	SMIT	Etienne
25	SLABBERT	Sieg
26	KAPP	Amanda
27	WAIT	Jakkie
30	DU PREEZ	Marohessa

November Verjaardae



1	DU PREEZ	Ettienne
2	STEENKAMP	Wouter
2	* HALL	Ruan
3	VAN DER WESTHUIZEN	Michelé
3	FOURIE	Kirsty
5	BARNARD	Jennifer
5	ROBERSON	Mariana
9	WAIT	Andy
12	DU PLESSIS	Duppie
15	VERMAAK	Gesina
18	* MORTON	McKaylee
21	BROPHY	Louis
22	POTTAS	Riana
26	* SWANEPOEL	Zelvoné
27	* WHITTLE	Janneke
28	BENEKE	Brenda
30	* VICTOR	Kristen

VOORLOPIGE JAARPROGRAM : 2012/2013

SAWA Oos-Kaap

MAAND	DATUM	KAMP	OORD	100%	KAMPL.
AUGUSTUS	9 – 12	AJV	VAN STADENS	1	Bestuur
AUG/SEPT	31/8 – 2/9	Streek	GEHEIM		Jakkie
SEPTEMBER	7 – 9	Bestuurskamp	PINE LODGE		Bestuur
SEPTEMBER	21 – 24	Kongres	HARTENBOS		Bespreek
SEPTEMBER	28 – 30	Streek	GAMTOOS FERRIE	2	
SEPT/OKT	29/9 – 7/10	Toer	BLOMMETOER		Tania
OKTOBER	19 – 21	Mini-Gebied	VAN STADENS	3	Geb Best
NOVEMBER	16 – 18	Streek	VAN STADENS	4	
NOV/DES	30/11 – 2/12	Streek	MANGOLDSPOOL		
JANUARIE	9 – 13	Streek	SUMMERWOOD	5	
FEBRUARIE	8 – 10	Streek	WILLOWS	6	
MAART	1 – 2	100+			<i>Klein Karoo</i>
MAART	21 – 24	Streek	CANNON ROCKS	7	
MRT/APR	29/3 – 1/4	Streek	PAASNAWEEK		
APRIL	26 – 28	Streek	PEARSON PARK / BOSKAMP		
MEI	24 – 26	Streek	GAMTOOS FERRIE	8	
JUNIE	14 – 17	Streek	WILLOWS	9	
JUN/JUL	29/6 – 6/7	Streek	WINTERTOER		
JULIE	12 – 14	Streek	ADDO / SITRUSOEWER		
AUGUSTUS	9 – 11	AJV	VAN STADENS	1	Bestuur
AUG/SEPT	30/8 – 2/9	Streek	GEHEIM		
SEPTEMBER	20 – 22	Streek	WILLOWS	2	
OKTOBER	18 – 20	Mini-Gebied	JEFFREYSBAAI	3	
NOVEMBER	15 – 17	Streek	VAN STADENS	4	
DESEMBER	6 – 8	Streek	MANGOLDSPOOL		

DESPATCH MOTORS

Bothastraat 76

DESPATCH

Tel: 041 933 3293

Faks: 041 933 2293

Ons koop en verkoop gehalte
gebruikte motors en bakkies.


Barend Swanepoel

083 657 4943



Marius Swanepoel

082 374 1395



Building Contractor

NHBRC & VAT Registered (Ubuntovent cc)

~ Free quotations ~

- * New Buildings * Boundary Walls * Palisades * Paving *
- * Alterations * Electrical * Plumbing * Granny Flats *

C. J. Snyman

Cell: 084 580 5818

Fax: 041 933 3248

email: tjaarts@webmail.co.za